



REPUBLIKA E KOSOVËS
Komuna e Drenasit
Kuvendi i Komunës



Nr. 02-060/03-12481 dt. 10.03. 2023

Në bazë të nenit 52 të Ligjit nr. 03/L-40 për Vetëqeverisje Lokale, nenit 42 pika 42.2 të Statutit të Komunës së Drenasit, nenit 12 pika 12.2 dhe nenit 21 pika 21.2 të Rregullores së punës të Kuvendit, Kryesuesi i Kuvendit të Komunës të Drenasit z. Milaim Hajdari, me dt. 17.03.2023 (e Premte) duke filluar në ora 10:00, në sallën e Bordit të Drejtorëve të Komunës.

THËRRET

Mbledhjen e Komitetit për Politikë dhe Financa

Mbledhja do të ketë:

Rend dite:

1. Procesverbali i mbledhjes së Komitetit për Politikë dhe Financa i mbajtur më dt. 16.02.2023.
2. Propozim vendim për formimin e komisionit për shqyrtimin e kërkesave dhe ankesave të palëve për emërtim të rrugëve, rrugicave dhe vendeve të tjera publike në Komunën e Drenasit.
3. Propozim vendim për caktimin e anëtarëve të komisionit përzgjedhës për drejtor dhe zëvendës drejtor në Institucionet Publike Edukativo-Arsimore të Komunës së Drenasit.
4. Propozim vendim për këmbimin e pjesëve të njësive kadastrale në zonën kadastrale në Çikatovë të Vjetër dhe Glogoc, për projektin e rregullimit të ngrohtores së qytetit të Drenasit.
5. Të ndryshme.

Drenas, 10.03.2023



Kryesuesi i Kuvendit të Komunës

Milaim Hajdari



Republika e Kosovës

Komuna e Drenasit

Kuvendi i Komunës



02 Nr. 060/04-9340 dt. 21. 02. 2023

PROCESVERBALI

I mbledhjes së Komitetit për Politikë dhe Financa të mbajtur më dt. **16.02.2023**, ora 08:00.

Mbledhjen e kryesoi: Milaim Hajdari- Kryesues

Kryesuesi deklaroi të hapura punimet e mbledhjes të Komitetit për Politikë dhe Financa ku të pranishëm ishin Kryetari i Komunës Ramiz Lladrovci, Kryesuesi i Kuvendit Milaim Hajdari, anëtarët e Komitetit për Politikë dhe Financa: Malsore Cakiqi (PDK), Azemine Bujupi Gjoka (DD), Hamit Haxhiu (DD), Arbër Halilaj (GREEN), Florentina Elezi-Veliu (VV) si dhe Drejtor të Drejtorive Komunale. Mungoi: Hamit Kastrati.

Komiteti filloi punimet më këtë:

Rend dite:

1. Znj Manushaqe Mulaku, emërohet anëtare e Kuvendit Komunal Drenas, nga subjekti politik "Partia Demokratike e Kosovës" duke zëvendësuar znj. Agnesë Kastrati-Bucolli e cila lirohet prej detyrës të anëtares së Kuvendit Komunal.
2. Procesverbali i mbledhjes së rregullt i Kuvendit Komunal Drenas të dt. 25.01.2022.
3. Propozim vendim për miratimin e Planit Komunal për Menaxhimin e Mbeturinave për vitet 2023-2027.
4. Propozim vendim për miratimin e Projekt Rregullores nr.01/2023 për Menaxhimin e mbeturinave për Komunën e Glllogocit.
5. Raporti i Punës Janar-Dhjetor 2022 i Kryetarit të Komunës.
6. Plani i Veprimtimit për Transparencë në Komunën e Drenasit 2023-2027.
7. Propozim vendim për lënie në shqyrtim publik të projekt dokumentit të Planit Rregullues të hollësishëm për qendrën e qytetit-Glllogoc.
8. Propozim vendim për vënien në diskutim publik e rregullores për Bonuset e Zonimit.
9. Plani i punës për vitin 2023, i Këshillit Komunal për Siguri në Bashkësi (KKSB)
10. Të ndryshme.

Kryesuesi i Kuvendit Komunal Milaim Hajdari- pasi përshëndeti të pranishmit, deklaroi të hapura punimet e mbledhjes të Komitetit për Politikë dhe Financa, ku prezantoi rendin e ditës, pasi që nuk pati diskutime, vërejtje apo sugjerime kryesuesi hodhi në votim rendin e ditës, prezent gjatë votimit ishin 6 anëtar dhe votuan unanimisht rendin e ditës.

Kryesuesi i Kuvendit Komunal Milaim Hajdari- sa i përket pikës së parë të rendit të ditës vendimin e kemi marrë nga KQZ-ja dhe do të vazhdojmë me procedurë

Kryesuesi i Kuvendit Komunal Milaim Hajdari- hapi diskutimin për pikën e dytë të rendit të ditës: **1. Procesverbali i mbledhjes së Komitetit për Politikë dhe Financa i mbajtur Të dt. 18.01.2023.**

Meqë nuk pati diskutime vërejtje apo sugjerime kryesuesi hodhi në votim këtë pikë të rendit të ditës, prezent gjatë votimit ishin 6 anëtar dhe votuan me: 06 vota (**Për**), kundër nuk pati, abstenim nuk pati.

Kryesuesi i Kuvendit Komunal Milaim Hajdari- hapi diskutimin për pikën e tretë të rendit të ditës: **3. Propozim vendim për miratimin e Planit Komunal për Menaxhimin e Mbeturinave për vitet 2023-2027.**

Hamit Haxhiu, keni pas material shtesë për këtë pike të rendit të ditës, me shiku se çka do të bëhet me miratimin e planit?

Lumnije Krapit- Drjtoreshë për Shërbime Publike dhe Emergjente, sa i përket këtij plani është një draft dokument i cili ka kaluar në për procedura të dëgjimeve buxhetore, materialin e keni në email. Është një draft dokument i cili miratohet për pesë vite e kemi 2023-2027, janë përshkruar gjitha procedurat, është hartuar në bazë të planit strategjik të menaxhimit të mbeturinave të nivelit qendror në bashkëpunim me GIZ-in dhe Ministrinë e Planifikimit Hapësinor.

Meqë nuk pati diskutime tjera kryesuesi hodhi në votim këtë pikë të rendit të ditës, prezent gjatë votimit ishin 6 anëtar dhe votuan me: 06 vota (**Për**), kundër nuk pati, abstenim nuk pati.

Kryesuesi i Kuvendit Komunal Milaim Hajdari- hapi diskutimin për pikën e katert të rendit të ditës: **4. Propozim vendim për miratimin e Projekt Rregullores nr.01/2023 për Menaxhimin e mbeturinave për Komunën e Glogocit.**

Meqë nuk pati diskutime vërejtje apo sugjerime kryesuesi hodhi në votim këtë pikë të rendit të ditës, prezent gjatë votimit ishin 6 anëtar dhe votuan me: 06 vota (**Për**), kundër nuk pati, abstenim nuk pati.

Kryesuesi i Kuvendit Komunal Milaim Hajdari- hapi diskutimin për pikën e pestë të rendit të ditës: **5. Raporti i Punës Janar-Dhjetor 2022 i Kryetarit të Komunës.**

Meqë nuk pati diskutime, kjo pikë e rendit të ditës u rekomandua për mbledhjen e rregullt të Kuvendit Komunal.

Kryesuesi i Kuvendit Komunal Milaim Hajdari- hapi diskutimin për pikën e gjashtë të rendit të ditës: **6. Plani i Veprimit për Transparencë në Komunën e Drenasit 2023-2027.**

Meqë nuk pati diskutime, kjo pikë e rendit të ditës u rekomandua për mbledhjen e rregullt të Kuvendit Komunal.

Kryesuesi i Kuvendit Komunal Milaim Hajdari- hapi diskutimin për pikën e shtatë të rendit të ditës: **7. Propozim vendim për lënie në shqyrtim publik të projekt dokumentit të Planit Rregullues të hollësishëm për qendrën e qytetit-Glllogoc.**

Flutura Avdiu-Drejtoreshë e Drejtorisë për Planifikim Urban dhe Mbrojtje të Mjedisit, para jush e keni propozim vendim për miratimin e Projekt Rregullores nr.01/2023 për Menaxhimin e mbeturinave për Komunën e Glllogocit, Me miratimin e Hartës Zonale të Komunës së Glllogocit për periudhën 2022-2030 të datës 24.06.2022, Komuna e Glllogocit është përcaktuar që përmes Hartës Zonale të Komunës të identifikojë zonat për të cilën kërkohet të hartohet Plani Rregullues i Hollësishëm, me vendim të kuvendit të komunës 02-Nr.030/01-46344 datë 31.08.2022 është filluar me hartimin e Planit Rregullues të Hollësishëm për Qendrën e Qytetit- Glllogoc për të përcaktuar kushtet për rregullimin e hapësirave për zona urbane apo zona rurale.

Bazuar në nenin 7, paragrafi 2 të Udhëzimit Administrativ Nr.05/2014, për përgjegjësitë e autoriteteve të planifikimit hapësinor si dhe parimet dhe procedurat për pjesëmarrjen e publikut në planifikim hapësinor, propozohet të miratohet vendimi për lënie në shqyrtim publik të projekt dokumentit të Planit Rregullues të Hollësishëm për Qendrën e Qytetit-Glllogoc, në mënyrë që t'u lihet në dispozicion qytetarëve, agjencive, departamenteve dhe organeve të tjera për shqyrtim dhe komente për projekt dokumentin Plani Rregullues i Hollësishëm për Qendrën e Qytetit-Glllogoc, dhe pas përfundimit të dërgohet në Kuvendin e Komunës së Glllogocit për shqyrtim dhe miratim përfundimtar.

Meqë nuk pati diskutime tjera kryesuesi hodhi në votim këtë pikë të rendit të ditës, prezent gjatë votimit ishin 6 anëtar dhe votuan me: 06 vota (**Për**), kundër nuk pati, abstenim nuk pati.

Kryesuesi i Kuvendit Komunal Milaim Hajdari- hapi diskutimin për pikën e tetë të rendit të ditës: **8. Propozim vendim për vënien në diskutim publik e rregullores për Bonuset e Zonimit.**

Flutura Avdiu-Drejtoreshë e Drejtorisë për Planifikim Urban dhe Mbrojtje të Mjedisit, Bazuar në Ligjin Nr.04/L-174 për Planifikimin Hapësinor, Ligjin Nr.04/L-110 për Ndërtim, nenin 39 të Udhëzimit Administrativ Nr.24/2015 mbi elementet dhe kërkesat themelore për ndërtimin, zbatimin dhe monitorimin e Hartës Zonale të Komunës. Drejtorja për Planifikim Urban dhe Mbrojtje të Mjedisit, ka propozuar hartimin e Rregullores për Bonuset e Zonimit në kuadër të Hartës Zonale të Komunës së Glllogocit 2022-2030 në territorin e komunës, si dhe është formuar grupi punues në të cilën janë caktuar detyrat dhe përgjegjësitë për hartimin dhe finalizimin e Rregullores komunale për bonuset e zonimit.

Meqë nuk pati diskutime tjera kryesuesi hodhi në votim këtë pikë të rendit të ditës, prezent gjatë votimit ishin 6 anëtar dhe votuan me: 06 vota (**Për**), kundër nuk pati, abstenim nuk pati.

Kryesuesi i Kuvendit Komunal Milaim Hajdari- hapi diskutimin për pikën e nentë të rendit të ditës: **9. Plani i punës për vitin 2023,i Këshillit Komunal për Siguri në Bashkësi (KKSB)**


Laureta Thaqi- Drejtoreshë e Administratës së Përgjithshme, Këshilli për Siguri në Bashkësi funksionon duke u bazuar në udhëzimin administrativ Nr.27/2012, për këshillat komunal për siguri në bashkësi. Sipas këtij udhëzimi puna e KKSB-së duhet të bazohet gjithmonë në dispozitat që rregullojnë e funksionit si një organ këshillues për çështjet e sigurisë në bashkësi me përfaqësim të gjerë të gjitha komuniteteve dhe përfaqësuesve të shoqërisë civile.

Ky plan përcakton disa nga objektivat dhe aktivitetet që do të realizohen gjatë vitit 2023, gjithmonë me synimiin që shqetesimet e qytetareve që adresohen të zgjidhen bashkë me përfaqësuesit insituticional, organet e sigurisë OJQ.

Kryesuesi i Kuvendit Komunal Milaim Hajdari- hapi diskutimin për pikën e dhjetë të rendit të ditës: **10 Të ndryshme.**

Pasi nuk pati diskutime të tjera kryesuesi e konsideroj të mbyllur mbledhjen, mbledhja përfundoj rreth orës 08:45 min .

Procesmbajtëse:



Liridona Fejza-Ajazi



Kryesuesi i Kuvendit Komunal



Milaim Hajdari



Republika e Kosovës
Komuna e Drenasit
Zyra e Kryetarit



01 Nr. 020/04-12273 dt. 10.03.2022

Në bazë të nenit 11, 12 dhe 40 pika 40.2 shkronja e) dhe i) të Ligjit nr. 03/L-040 për Vetëqeverisjen, nenit 34 pika 34.6 të Statutit të Komunës së Drenasit, Kuvendi i Komunës në mbledhjen e mbajtur më _____, miraton këtë:

PROPOZIM VENDIM

Për formimin e komisionit për shqyrtimin e kërkesave dhe ankesave të palëve për emërtim të rrugëve, rrugicave dhe vendeve të tjera publike në Komunën e Drenasit

Neni 1

Me këtë vendim formohet komisioni për shqyrtimin e kërkesave dhe ankesave të palëve për emërtimin e rrugëve, rrugicave dhe vendeve tjera publike në Komunën e Drenasit në këtë përbërje:

1. _____
2. _____
3. _____
4. _____
5. _____

Neni 2

Me këtë vendim obligohet komisioni që të bëjë shqyrtimin e kërkesave dhe ankesave të palëve për emërtimin e rrugëve dhe pas shqyrtimit të këtyre kërkesave dhe ankesave komisioni harton raportin dhe i propozon kuvendit listën për aprovim.

Neni 3

Me këtë vendim obligohet Drejtoria për Urbanizëm dhe Planifikim Hapësinor që të bëjë regjistrimin për emërtim të rrugëve që merr vendim kuvendi për ndryshim apo emërtim të ndonjë rruge të re.

Neni 4

Mandati i komisionit përfundon me përfundimin e mandatit të asambleistit.

Neni 5

Ky vendim hynë në fuqi 15 ditë nga dita regjistrim dhe vlerësim e ligjshmërisë nga MAPL-ja si dhe 7 ditë pas publikimit në uebfaqen zyrtare të Komunës.



Kryetari i Komunës
Ramiz Lladrovci

Arsyetim

Edhe pse komisioni paraparak ka bërë një punë të mrekullueshme dhe në mbledhjen e fundit të mandatit ka dorëzuar propozimet pas shqyrtimit të kërkesave dhe ankesave të palëve për emërtim të rrugëve, kërkesave për riemërtim të rrugëve, rrugicave dhe vendeve të tjera publike në Komunën e Drenasit, puna nuk ka arritur të finalizohet për shkak të ligjshmërisë së vendimit të kuvendit për këtë çështje, përkatësisht propozimeve për emërtim dhe riemërtim të rrugëve.

I tërë emërtimi dhe riemërtimi të rrugëve, rrugicave dhe vendeve të tjera publike që ndryshe quhen “Zona për Qarkullimin Publik” duhet të bazohet në Ligjin Nr. 04/L-071 për Sistemin e Adresave dhe në aktet nënligjore të këtij ligji në cilat parashihen edhe ndryshimet të cilat ndodhin në hapësirë, zhvillimet e reja urbane, rrugët e reja, rastet kur rrugët duhet ose mund të ri-emërtohen etj.

Gjithashtu gjatë kësaj periudhe komuna ka pranuar një numër kërkesash për këtë qëllim.



Republika e Kosovës
Republika Kosova-Republic of Kosovo
Komuna e Drenasit
Zyra e Kryetarit



Nr 01-020/4-12267 dt. 09.03. 2023

Në bazë të nenit 58 paragrafi 1 pika (h) të Ligjit Nr.03/L-040 për Vetëqeverisje Lokale, nenit 72 të Statutit të Komunës së Drenasit, Kryetari i Komunës së Drenasit, propozon: që në bazë të nenit 12 paragrafi 1 të Ligjit Nr.03/L-040 për Vetëqeverisjen Lokale, nenit 6, paragrafi 3, nënparagrafi 3.1 të Udhëzimit Administrativ (MASH) Nr.151/2020 për Detyrat dhe Përgjegjësitë e Drejtorit dhe Zëvendësdrejtorit të Institucionit Publik Edukativo-Arsimor, si dhe rekomandimit të DKA-së në Drenas, Kuvendi i Komunës së Glogocit në mbledhjen e mbajtur me datë _____ 2023, të aprovoi këtë:

P R O P O Z I M V E N D I M

Për caktimin e anëtarëve të komisionit përzgjedhës për Drejtor dhe Zëvendësdrejtor në Institucionet Publike Edukativo-Arsimore të Komunës së Drenasit

Neni 1

Me këtë Propozim Vendim caktohen anëtarët e komisionit përzgjedhës për Drejtor dhe Zëvendësdrejtor në Institucionet Publike Edukativo-Arsimore të Komunës së Drenasit, si vijon:

1. Drilon Krasniqi – Fakulteti i Edukimit – Gjuhë Angleze (240 ECTS) + Fakulteti i Edukimit – Mësimdhënie dhe Korrikula (90 ECTS) dhe student i doktoratës për mësimdhënie në Slloveni.
2. Arben Haziri – Ma.sc. Gjuhë Shqipe (Këshilli i Prindërve);
3. _____ - Anëtar nga MASHTI.

Neni 2

Ky komision ka për detyrë që procedurat e përzgjedhjes së drejtorëve dhe zëvendësdrejtorëve t'i zhvilloj në përputhje me Udhëzimin Administrativ (MASH) Nr.151/2020 për Detyrat dhe Përgjegjësitë e Drejtorit dhe Zëvendësdrejtorit të Institucionit Publik Edukativo-Arsimor dhe legjislacionin tjetër në fuqi.

Neni 3

Mandati i anëtarëve të komisionit nga DKA për Drejtor dhe Zëvendësdrejtor në Institucione Arsimore është për 1 vit.

Neni 4

Ky vendim hyn në fuqi nga dita e miratimit nga Kuvendi i Komunës.



Kryetari i Komunës

Ramiz Lladrovci